

## Ilanngussaq 1.

Atuartitsissutit atuartitsissutillu qanitariit alloriarfinnut ataasiakkaanut agguannerat.

Uk.	Oqaatsit			Kulturi inuiaqatigiillu	Matematikki pin-ngortitalerinerlu			Sumiiffiini ataasiakkaani toqqagassat	Inuttut ineri-kiartorneq			
<b>Nukarliit atuarfiat</b>												
1	Kalaa llisut	Qall unaatut	Allamiut oqaasiini k ineriartor titsiniutit pilersitsif fiusut	Inuiaqati giilerineq	Upperisal erineq isumalioq qissaarner lu	Matematik ki	Pinngortita lerineq	Mernguernartut, timersomeq il.il.	Imminut nale-qartinneq Namminersor-sinnaassuseq  ↓ Kinaassutsimik nalun-ngis su-seqarneq			
2												
3												
<b>Akulliit atuarfiat</b>												
4	Kalaa llisut	Qallu naatut	Tuluttut	Inuiaqati giilerineq	Upperisal erineq isumalioq qissaarner lu	Matematik ki	Pinngortita lerineq	Mernguernartut, timersomeq il.il.	Peqqinneq Suaaassuseq Ilaqutariinneq Akisussaaneq  ↓ Suleqatigiinneq			
5												
6												
7												
<b>Angajulliit atuarfiat</b>												
8	Kal aallisu t	Qall unaatut	Tulu ttut	Alla miut oqaa sii nr.3	Inuiaqati giilerineq	Upperisal erineq isumalioq qissaarner lu	Mat emat ikki	Fysi kki/ kemi	Uum assus eqart uleri neq	Nun aleruti t	Mernguernartut, timersomeq il.il.	Ilinniagaqar-nissamik inuutissarsiu-titaarnissamillu toqqaaneq
9												
10												

**Nukarlerni atuartitsineq** annertunerusutigut atuartitsissutinik ataasiakkaanik atuartitsinertut ingerlanneqassanngilaq, ingerlanneqassarli atuartitsissutit ataasiakkaat akimorlugit, qulequttat ataasiakkaat tunngavigalugit piareersariikkanillu anguniagaqarluni qulequtsiillunilu ingerlatsinikkut, tak. § 10, imm. 4. Takusassiami tamanna nalunaarneqarsimavoq atuartitsissutit ataasiakkaat atuartitsissutillu qanitariit akornanni kipisaartumik titarsinikkut.

**Kalaallit qallunaallu oqaasiinik** atuartitsineq ukiup atuartinneqarfiup siulliup aallartinneraniit ingerlanneqalereertassaaq. Taamaaliornermut ilaatillugu allamiut oqaasiinik **sammisaqartitsilluni ineriartortitsinikkut oqaasertaartitsiniarnermik aaqqissuussisoqartassaaq.** **Tuluttut** atuartinneqarneq ukiut atuarfiusut sisamaanniit aallartittassaaq, ukiullu atuarfiusut arfineq-pingajuanni **allamiut oqaasiisa pingajui** qinigassatut neqeroorutigineqartassapput. Neqeroootit taakkua tyskit tulorutsilluunniit oqaaserisinnaavaat, oqaatsilli allat aamma neqeroorutigineqarsinnaapput.

**Inuiaqatigiilerineq** kulturimik, oqaluttuarisaanermik, inuiaqatigiit pillugit atuartitsinermik kulturimullu tunngasunik nunalerutininik imaqarput. Atuartitsissutit ataasiakkaat atuarneq sivitsoriartortillugu atuartitsissutitut immikkoortutut erseriartussapput.

Nukarlerni **upperisalerinermik isumalioqqissaarnermillu** ilinniartitsineq annertunerusutigut kristumiussuseq pillugu ulluinnarnilu ileqqorisassat pillugit oqaloqatigiinnernik aallaaveqassapput. Akullerni ilinniartitsinermi kristumiussusiinnaanngitsumik upperisalli allat aamma pillugit ilinniartitsisoqartassaaq, kiisalu isumalioqqissaarneq, ileqqorinnissaq pillugu sammisaqarneq kiisalu ileqqorissaarnissamut apeqqutit nalinginnaasut ilinniartitsinermi ilaatinneqartassapput, angajullerni tamakkua saniatigut aamma isumalioqqissaarneq upperisanit aallaaveqanngitsoq silarsuarmillu avatangiisitsinnik paasinneriaatsit allat ilanngunneqartassallutik.

**Pinnngortitalerineq** fysikki/kemii-mik, uumassuseqartulerinermik pinnngortitarlu tunngavigalugu nunalerutininik imaqarpoq. Atuartitsissutit ataasiakkaat atuarneq sivitsoriartortillugu atuartitsissutitut immikkoortutut erseriartussapput. Angajullerni atuartitsineq atuartitsissutininut ataasiakkaanut immikkoortiterilluni atuartitsinertut aaqqissorneqassaaq.

Atuartitsissutit **sumiiffinni ataasiakkaani toqqagassat** aqqutigalugit qularnaarniarneqarpoq atuartitsissutini mernguernartuni tamatigoortumik atuartitsisinnaaneq, atuartitsissutillu makkuusinnaapput: erinarsorneq, isiginnaartitsineq, qitinneq, qalipaaneq, assiliineq, tusagasiuutilerineq, marriorneq, assassorneq, amernik suliaqarneq mersornerlu, sananeq sanalunnerlu, iganeq, qaanniorneq qamusiornerlu, immakkut angalaarneq, aalisarneq piniarnerlu kiisalu timersuutitoqqanik nutaanerusunillu timersorneq. Aammattaaq atuartut ilikkagaqarniarnernut atatillugu sumiiffinni toqqakkanut ilaatinneqarsinaapput atuarfiup avataani atuartut ukiuinut naleqquttunik, kulturimut, inooqatiginnermut inuutissarsiornermullu tunngasutigut ingerlatsinerit.

**Inuttut inerikkiartorneq** atuartitsissutaavoq nutaaq tassuunalu kissaataavoq atuartut imminnut tatiginerisa pitsanngorsarneqarnissaat, ilanngullugu anguniarneqarpoq, siunertalimik ineriartorsinnaanissaat ilinniagariumasaminnillu angusiniarnermi suliniuteqalersinnaanisaminnut akisussaaqataasutut misigisimalersinneqarnissaat, kiisalu imminut allanullu paasininnissamut sakkussaminnik ilinniartinneqarnissaat. Atuartitsissutit mannamut ilinniarneqartussat ukuusut: kinguaassiornermut tunngasunik nassuiaaneq, peqqinnissamik ilinniartitsineq,

ilaqutariinnermut tunngasunik ilisimasaqarneq, inuulluarniutit aalakoornartut/ikiaroornartut pillugit paasititsiniaaneq, ilinniagaqarnissaq inuutissarsiutillu pillugit paasisitsiniaaneq ilisimasassat sulinermit tunngasut ilamgullugit, saniatigut misigissutsit tarnerlu pillugit sammisassat atuartullu nammineq inuttut ingerlaniarnerminni piareersaasiortarnissaat ilaatinneqassapput.

Ammukartumi “inuttut inerikkiartoq”-mi aalajangersimasumik inerikkiartortitsinissaq saqqummersinniarneqanngilaq, tassami alloriarfinni tamani qulequttat pineqartut meeqqat ukiuinut naleqquttumik atuartitsissutigineqassapput.